

JP RADIO TELEVIZIJA TUZLANSKOG KANTONA DOO TUZLA

Na osnovu člana 25. Zakona o Radio televiziji Tuzlanskog kantona ("Službene novine TK", broj: 6/02, 5/04, 11/04, 5/06, 13/09, 8/12 i 14/18), člana 45. Statuta JP RTV TK d.o.o. Tuzla ("Službene novine TK", broj: 12/17 i 3/20) i Odluke privremeno imenovanog Nadzornog odbora broj: 1851/22 od 22/07/2022. godine, privremeno imenovani Nadzorni odbor raspisuje

JAVNI KONKURS

ZA IZBOR I IMENOVANJE DIREKTORA JP RTV TK

Broj: 1854/22

Objavljuje se javni konkurs za izbor i imenovanje DIREKTORA JP RTV TK D.O.O. TUZLA

1. Kratak opis upražnjene pozicije

Rukovodi radom Uprave, donosi pojedinačna akta, u skladu sa opštim aktima Društva, formira stručno - konsultantska tijela za pojedina pitanja kao i radna tijela (komisije, ekspertne grupe, projektne, radne i druge pojedine ekspertne timove i sl.), predlaže osnove poslovne strategije, vrši usmjeravanje rada izvršnih direktora i rukovodioca organizacionih jedinica Društva, odlučuje o zasnivanju radnog odnosa i prestanku ugovora o radu radnika, odlučuje o pravima i odgovornostima radnika u skladu sa Zakonom, kolektivnim ugovorom i opštim aktima na način utvrđen ovim Statutom, zaključuje ugovore u ime Društva, u skladu sa zakonom i ovim Statutom i vrši i druge poslove i zadatke koje su mu zakonom, Statutom i drugim aktima stavljene u nadležnost.

Ovlaštenja direktora su propisana članom 39. i 49. Statuta JP RTV TK

Mandat direktora je četiri godine s mogućnošću ponovnog izbora.

Sa izabranim kandidatom će se zaključiti ugovor kojim će se regulisati plaća i druga materijalna prava direktora.

2. Kandidat treba da ispunjava sljedeće uslove:

a) opšti uslovi

- da je državljanin Bosne i Hercegovine i da ima prebivalište u BiH (dokaz: uvjerenje o državljanstvu i dokaz o prebivalištu u BiH),
- da je stariji od 18 godina, ali ne stariji od 65 godina (dokaz: rodni list ili kopija lične karte),
- da je zdravstveno sposoban za obavljanje poslova na koje se kandiduje (dokaz: uvjerenje o zdravstvenoj sposobnosti – dostavlja izabrani kandidat),
- da nije otpušten iz državne službe, kao rezultat disciplinske mjere na bilo kojem nivou vlasti u BiH u periodu od 3 godine prije dana objavljivanja upražnjene pozicije (dokaz: uvjerenje nadležnog organa za kandidate koji su bili zaposleni ili su još uvijek zaposleni u organima državne uprave, a za kandidate koji ne rade niti su radili u organima državne službe - dokaz: izjava kandidata potpisana i ovjerena od strane nadležnog organa),
- da nije osuđivan za krivično djelo ili privredni prijestup koji predstavlja smetnju za imenovanje na upražnjenu poziciju, u roku od 5 godina, računajući od dana izdržane, izvršene ili oproštene kazne (dokaz: ovjerena izjava kandidata i uvjerenje nadležnog suda),

- da mu odlukom Suda nije zabranjeno obavljanje aktivnosti na koju se kandiduje (dokaz: uvjerenje nadležnog suda),
- da se na njega ne odnosi član IX.1. Ustava BiH (dokaz: izjava potpisana od strane kandidata i ovjerena od strane nadležnog organa),
- da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti u FBiH (dokaz: izjava potpisana od strane kandidata i ovjerena od strane nadležnog organa).

b) posebni uslovi

- da ima visoku stručnu spremu (univerzitetska diploma)
- da ima najmanje 5 godina rukovodnog radnog iskustva (dokaz: potvrda izdata od strane poslodavca)
- da ima istaknute organizacione sposobnosti
- da nije član izvršnog, upravnog ili drugog organa političke stranke (dokaz: izjava potpisana od strane kandidata i ovjerena od strane nadležnog organa),
- da nema privatni finansijski interes u JP RTV TK (dokaz: izjava potpisana i ovjerena od strane nadležnog organa),
- da nije osnivač Društva koje obavlja istu djelatnost za koju je Društvo upisano u sudski registar (dokaz: izjava potpisana i ovjerena od strane nadležnog organa),
- da nije rukovodio Društvom nad kojim je pokrenut stečajni postupak (dokaz: izjava potpisana i ovjerena od strane nadležnog organa),
- da nije član upravnog ili nadzornog odbora drugog reguliranog organa, a ukoliko jeste član drugog upravnog, odnosno nadzornog odbora, kandidat će dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja (dokaz: izjava potpisana i ovjerena od strane nadležnog organa),
- da nije dioničar sa 50 % i više dionica, direktor ili član uprave bilo kojeg dioničkog društva kao i vlasnik sa 50 % i više vlasništva, direktor i član uprave bilo kojeg društva sa ograničenom odgovornošću (dokaz: izjava potpisana i ovjerena od strane nadležnog organa),
- da su prošli odgovarajuće usavršavanja u skladu sa Zakonom o privrednim društvima i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno da preuzimaju obavezu da usavršavanje obave u roku utvrđenom Uredbom Vlade Federacije BiH (dokaz: dokument kojim se dokazuje da su prošli odgovarajuće usavršavanje ili izjava da preuzimaju obavezu usavršavanja, potpisana i ovjerena od strane nadležnog organa)

Uz potpisanu prijavu na konkurs sa kraćom biografijom dužni ste ponuditi i Program rada za naredne 4 godine.

Kandidati su dužni uz potpisanu prijavu, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata, ne starije od 6 mjeseci, koji su dokaz o ispunjavanju opštih i posebnih uslova traženih konkursom, u roku od 15 dana od dana posljednjeg objavljivanja. Prijave sa traženim dokumentima dostaviti lično ili preporučenom poštom na adresu:

**JP RTV TK d.o.o. Tuzla, ul. Mije Keroševića broj 20,
75000 Tuzla,
PRIJAVA ZA JAVNI KONKURS
(za izbor i imenovanje direktora JP RTV TK)
- NE OTVARATI -**

Nepotpune i neblagovremene prijave neće se uzeti u razmatranje. Svi kandidati koji budu stavljeni na listu užeg izbora bit će pozvani na intervju.

Nadzorni odbor

Javni konkurs će se objaviti u "Službenim novinama Federacije BiH" i jednom dnevnom listu i web stranici Vlade Tuzlanskog kantona i ostaje otvoren 15 dana od dana posljednjeg objavljivanja.